

Četvrti sastanak Pododbora
za inovacije, informaciono društvo i socijalnu politiku između EU i BiH
Brisel, 20. februara 2020. godine

PREPORUKE

OBRAZOVANJE I OSPOSOBLJAVANJE

1. EU preporučuje BiH da unaprijedi izvještavanje o statističkim podacima u cijeloj zemlji sukladno međunarodnim zahtjevima u pogledu obrazovanja.
2. EU preporučuje BiH da utvrdi i provodi mjere na osnovu rezultata PISA 2018 testiranja i da osigura kontinuitet u sudjelovanju zemlje u PISA, PIRLS i TIMSS testiranjima.
3. EU poziva BiH na daljnje jačanje koordinacije između relevantnih donositelja odluka u oblasti obrazovanja kao što su Konferencija ministara obrazovanja i Rektorska konferencija.
4. EU potiče BiH da poduzme neophodne korake kako bi se povećao upis djece u ranom i predškolskom odgoju i obrazovanju te smanjila razlika između gradskih i ruralnih sredina.
5. EU poziva BiH da dovrši domaće propise i strateški okvir o predškolskom, srednjem stručnom i obrazovanju odraslih kako bi osigurala potrebnu usklađenost propisa na državnoj, entitetskoj, kantonalnoj i razini Brčko Distrikta.
6. BiH se poziva da zatraži od RS da imenuje svoje predstavnike kako bi se uspostavila Međuresorna komisija za izradu kvalifikacijskog okvira.
7. EU potiče BiH da izradi Akcijski plan i provodi zajedničku jezgru nastavnih planova i programa zasnovanu na rezultatima koju je izradila Agencija za predškolsko, osnovno i srednje obrazovanje u BiH.
8. EU poziva BiH da poduzme neophodne korake kako bi osigurala potpuno funkcionalan sistem akreditiranja visokoškolskih ustanova i studijskih programa u cijeloj zemlji.
9. BiH je pozvana da izradi i usvoji novu cjelodržavnu strategiju o stručnom obrazovanju i obuci u skladu s potrebama tržišta rada.

10. EU poziva BiH da provede standarde kvalifikacija i zanimanja na razini inicijalnog obrazovanja nastavnika uz tekuće aktivnosti koje se provode za potrebe usavršavanja nastavnika.
11. EU potiče BiH da nastavi aktivnosti poduzete na priznavanju akademskih kvalifikacija na regionalnoj razini putem grupe koju predvodi RCC.
12. EU potiče izvještavanje o razvoju kulturnog i kreativnog sektora stvaranjem povoljnog pravnog i poslovnog okruženja za njegov brzi razvoj.
13. EU preporučuje formiranje krovne Organizacija Vijeća mladih na državnoj razini koja bi uključivala tri postojeća vijeća mladih.

INFORMACIJSKO DRUŠTVO I MEDIJI

1. EU potiče BiH na usklađivanje s Direktivom EU o mjerama za visoku zajedničku razinu sigurnosti mrežnih i informacijskih sustava širom Unije (Direktiva 2016/1148) i usvajanje državne strategije o kibernetičkoj sigurnosti.
2. EU potiče BiH da odredi državna nadležna tijela, jedinstvenu kontakt tačku i Tim za hitne kompjutorske intervencije (CSIRT) za zadatke koji se tiču sigurnosti mreže.
3. EU potiče BiH na usvajanje Zakona o elektronskoj identifikaciji i uslugama povjerenja za elektronske transakcije s jedinstvenim nadzornim tijelom za cijelu zemlju, u skladu s *acquis*-em.
4. EU poziva institucije BiH da poduzmu daljnje korake ka usvajanju novog Zakona o elektronskim komunikacijama i elektronskim medijima u skladu s *acquis*-em.
5. BiH se poziva da uvede broj za hitne slučajeve 112 u cijeloj zemlji.
6. EU poziva BiH da osigura punu finansijsku nezavisnost Regulatorne agencije za komunikacije.
7. EU izražava zabrinutost za proces digitalizacije i poziva BiH da bez daljnjeg odlaganja okonča prelazak na digitalne telekomunikacije.
8. EU poziva BiH da usvoji okvirnu strategiju za pristup širokopojasnoj mreži.
9. EU poziva BiH da, bez daljnjih odlaganja, osigura finansijsku održivost Javnog RTV sistema, posebno usvajanjem i primjenom odgovarajućeg

modela naplate pristojbe, kao i da osigura političku neutralnost i neovisnost upravnih odbora RTV-a.

10. BiH treba hitno uspostaviti Korporaciju javnih RTV servisa kao zajedničko tijelo za sva tri javna emitera kako je predviđeno zakonom.

ISTRAŽIVANJE I INOVACIJE

1. EU potiče BiH da znatno poveća napore i podršku jačanju kapaciteta za istraživanje i inovacije u zemlji te da u potpunosti iskoristi sudjelovanje u programima EU kao što je program Horizon 2020.
2. EU poziva vlasti BiH da pripreme i usvoje državnu mapu puta za istraživačke infrastrukture.
3. EU potiče BiH da ubrza izradu i usvajanje Strategije pametne specijalizacije.
4. EU naglašava važnost sudjelovanja BiH u godišnjoj Evropskoj ljestvici uspjeha u inoviranju, i potiče BiH da intenzivira napore za sakupljanje statističkih podataka kako bi svi neophodni indikatori bili dostupni.
5. EU potiče vlasti BiH da usvoje akcijski plan za provedbu revidirane strategije za naučni razvoj za period 2017-2022.
6. EU potiče BiH da poveća investicije u predstojećem periodu u skladu sa svojim obavezama kako bi dostigle 0,8% BDP-a do 2022. godine.
7. EU potiče BiH da poboljša sveukupno statističko izvještavanje i da uvede statistiku po polovima u oblast istraživanja i inovacija.

ZAPOŠLJAVANJE I SOCIJALNA POLITIKA

1. EU snažno potiče BiH da usvoji strategiju zapošljavanja na razini FBiH i cjelodržavnu strategiju zapošljavanja kao okvir politika, te da osigura dodatne kapacitete za provedbu i nadzor.
2. EU potiče BiH da oslobodi javne službe za zapošljavanje od administrativnih zadataka vezanih za zdravstveno osiguranje i druga socijalna davanja za registrovane nezaposlene.
3. EU poziva BiH da dodatno ojača kapacitete javnih službi za zapošljavanje, tako što će omogućiti nastavak efikasne tranzicije na podršku orijentisanu prema klijentu, odnosno nezaposlenim osobama koje traže zaposlenje,

uključujući dalji razvoj savjetodavnih usluga, medijacije i programa zapošljavanja.

4. EU preporučuje BiH da poboljša svoje postupke nadzora i evaluacije programa zapošljavanja, uključujući sakupljanje podataka.
5. BiH se preporučuje da poduzme dodatne mjere kako bi se smanjilo neformalno zapošljavanje, te razvili odgovarajući okviri za lakši prelazak na formalno zapošljavanje.
6. EU potiče vlasti BiH da promovišu i osiguraju učinkovit socijalni dijalog u cijeloj zemlji.
7. EU potiče vlasti BiH da povećaju naknade za nezaposlenost i socijalna davanja na osnovu potreba, te da mapiraju nedoprinosna socijalna davanja u cijeloj zemlji i da uspostave sistem socijalne pomoći zasnovan na potrebama umjesto onog zasnovanog na statusu uz povećanje njihove adekvatnosti i pokrivenosti.
8. EU traži od BiH da poduzme neophodne aktivnosti kako bi se osigurala bolja integracija ranjivih grupa na tržište rada.
9. Preporuka EU je da BiH uspostavi formalne procedure neophodne za provedbu i koordinaciju sistema socijalne sigurnosti u BiH kao prvi korak u pripremanju za sistem koordinacije u EU.
10. EU potiče BiH da nastavi zaključivanje bilateralnih sporazuma s državama članicama EU o socijalnoj sigurnosti.
11. EU potiče BiH da dovrši izradu i usvoji u 2020. godini jedinstveni Akcioni plan BiH za uključivanje Roma za period 2021-2025.